



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

**Capvt XVII.**

**urn:nbn:de:hbz:466:1-15617**

commendavit, ut periculo Romanæ urbis Imperatori expoito, subsidium adversus Longobardos impetraret.

C A P V T XVII.

Synopsis.

I. Sub Pelagio II. mos invaluerat mittendi Responsales. Probatur ex sancto Gregorio, qui eundem morem retinuit.

II. Eorum munus in suggestionibus positum. Quid suggestionis vocabulo comprehensum fuerit, explicatur. Responsalis opera usus est Gregorius Magnus ad reprehendam temeritatem Ioannis Patriarche Constantinopolitanus, qui se Patriarcham universalem esse dicebat. Procuratorio nomine id factum voluit Gregorius, ob dignitatem Romane sedis. Sic apud Gallos, solus Princeps per procuratorem, non autem nomine proprio, litigat.

III. Responsales nullam partem jurisdictionis attingebant, nisi ex delegatione speciali. Ejus duplex genus, à Principe nimil, aut à Summo Pontifice. Prioris exemplum, sub Mauricio Imperatore; posterioris, sub Vigilio & Gregorio Magno. De causis mediocribus cognoscabant Responsales. Quae sint causa mediocres.

Capit. 12. 12. **S**ed ex Gregorij Magni Regesto epistolarum tria præcipua capita colliguntur, quæ pertinent ad Responsales apostolicæ sedis. Ac primò quidem Gregorius docet Responsalium delegationem jam sub Pelagio decessore suo ex more peperdisse, ut patet ex epistola qua scribit Pelagium II. interdixisse Archidiacono suo, quem juxta morem ad Principes transmiserat, ne cum Ioanne C.P. Missas celebraret: Archidiacolum, quem juxta morem ad vestigia Dominorum transmiserat, Missarum vobis sum solennia celebrare prohibuit. Idem quoque probatur alio ejusdem auctoris testimonio; quo & secundum caput ostenditur, scilicet Responsales apostolicæ sedis in palatio Principum habita esse, eorumque presentiam sollicitè ab Imperatoribus expetitam. Interfecto namque Mauricio, Phocas, post arreptum Imperium, cum Gregorio expostrulavit quod juxta antiquam consuetudinem apostolicæ sedis Diaconum in palatio non invenisset. Quod summus Pontifex non sua negligentia sed temporum asperitati tribuit, que Romanæ Ecclesiæ ministros à palatio abalienabat. quibus verbis prudenter Phocam ad benignorem vivendi rationem invitauit. Nam quod permanere in palacio, inquit, juxta antiquam consuetudinem apostolicæ sedis Diaconem vestra serenitas non invenit; non hoc mea negligentia, sed gravissima necessitas fuit: quia dum ministri omnes hujus nostre Ecclesiæ contrita aperaque tempora cum formidine declinarent atque re-

fugerent, nulli eorum poterat imponi ut ad urbem regiam in palatio permanens accederet. Iuxta morem illum, Honoratus Diaconus Constantinopoli degebat quando Gregorius Magnus proœctus est ad sedem apostolicam: qui deinde Sabinianum Diaconum pro responsis ecclesiasticis faciendis ad Dominorum vestigia transmisit, eique successorem dedit Antonium Diaconum; huic vero, temporibus Phocæ Principis, Bonifacium, qui post Sabinianum Gregorij Apocrisiarium & in Romana sede successorem, apostolicæ sedis fastigium sub nomine Bonifacij III. obtinuit.

II. Ex variis autem epistolis Regesti tertium caput elicetur, nempe munus Responsalium in suggestionibus positum fuisse, quas Principibus faciebant pro negotiis publicis provinciarum Italiae, qua cum bello à Longobardis premebantur, tum à Ducibus & Praefectis, contra Principum justa, tributis & aliis oneribus vexabantur, vel pro negotiis privatis eorum qui calumniis invidorum aut potentium libidini erant expositi. Præcipue vero, si controversia incideret de disciplina ecclesiastica, monendi Principes & magistratus sollicitudine defungebantur, ne qua vis per obreptionem canonibus fieret. Illud autem summi opere curabant, ne qua fieret injury sedi apostolicæ, seu in percipiendis patrimoniorum redditibus, quæ in provinciis Italiae, Siciliæ, Africæ, & aliis sita erant, seu in dignitatis minutione. Quare cum Ioannes Constantinopolitanus Patriarcha sibi Universalis nomen adscripsisset, insolentes illius tituli superbam usurpationem Gregorius verbis quidem castigavit, sed præterea egit apud Principem ut vocabulum illud aboleretur. In eam rem usus est opera Sabiniani Responsalis sui, qui ad exemplum Advocati fisci jura Ecclesiæ persequeretur apud Imperatorem, cui disputationis hujus judicium Gregorius detulit: Idem lib. 4. ep. 32. *Ac secundum petitionem, inquit, predicti Sabiniani Diaconi, aut piissimus Dominus ipsum dignetur judicare negotium, aut saepe nominatum virum (Ioannem) ut ab hac tandem intentione cesse, defletere. Perpendenda sunt verba illa, quibus controversiam dirimi poscit ad petitionem Diaconi sui. Consulebat nempe dignitati sedis apostolicæ, cuius nomen tanquam supplicis inseri non decebat judicij imperatorij formulæ, sed tantum Responsalis nomen. Quemadmodum hodie in Curis supremis cognitio de juribus Regis & regni, non Regis nomine, sed Procuratoris regij instituitur, judiciumque fertur ad petitionem Procuratoris, ut cum Gregorio loquar. Vnde inter cetera Regis privilegia, hoc quoque numeratur, solum Principem per Procura-*

F iij

torem, non autem proprio nomine litigare.  
Quod foli Augusta communicatur.

III. Iurisdictionis autem nullam partem attingebant Responsales, nisi ex delegatione speciali; qua aut à Principe fiebat aliquando, aut à Summo Pontifice. Prioris generis est delegatio Honorati Diaconi & Responsalis, cui Mauritius Imperator mandavit, una cum Sebastiano antigrapho, judicium appellationis quam Hadrianus Episcopus Thebanus interposuit ad Principem à sententia Larissæ Metropolitanæ. Posterioris extat illustre exemplum in cognitione Pauli Alexandrini, cui præfuit Pelagius Apocrisiarius ex mandato Vigilij Papæ, cum literis & consensu Iustiniani, de qua dictum est superius cap. xvi. §. v. hujus libri. Aliud exemplum hujus delegationis legitur in regesto Gregorij Magni. Hadrianus Episcopus Thebanus, provincia Thessalica, a Pelingio II. Pontifice obtinuerat ut à Ioannis Episcopi Larissæ Metropolitanani sibi graviter suspecti, jurisdictione eximeretur. à qua tamen in Hadrianum exercenda Ioannes non cessavit. Quam illi audaciam Gregorius Magnus exprobrat, ejusque contemptum communionis abstentione vindicari potuisse docet. Tamen nos, inquit, humanius decernentes, communionis que tibi sacramentum interim conservantes, decernimus ut fraternitas tua ab eo Ecclesiæque ejus omnem antehabite. sue potestatem jurisdictionis abstineat; & secundum decreta successoris nostri, si qua causa vel fidei, vel criminis, vel pecuniaria adversus prefatum Hadrianum consacerdotem nostrum potuerit evenire, vel pereos qui nostri sunt vel fuerint in urbe regia Responsales, si mediocris est questio, cognoscatur, vel hoc ad apostolicam sedem, si ardua est, deducatur, quatenus nostre audientia sententia decidatur. Ex hoc loco constat mediocres causas, id est, minoris momenti, minùsque ambiguas, Responsalibus delegatas; et tantum casu quo Episcopi à pervicacis Metropolitanani jurisdictione exempti erant. quod nonnisi rarissimè contingebat.

*Idem lib. 2.  
ep. 46.*

*S. Gregor. lib. 1.  
Ind. 11. epist. 9.*

vel tre Pontifices, quamvis in toto mundo sedes apostolica Ecclesiarum sibi jure vindicet principatum, & solam ecclesiasticis causis undique appellare necesse sit, specialiter tamen gubernationem sue Illyrici & Ecclesiæ vindicasse. Tum profert epistolas praeteritorum sedis apostolica Pontificum, Damasi, Siricij, Innocentij, Bonifacij, Celestini, & aliorum, que docent Illyricum sedis apostolicae constitutis paruisse; easque in Concilio relegi postulavit ex scrinio Ecclesia Romana, quod & factum est. In libello vero Stephani Episcopi Larissæ, que Thessalica metropolis est, dato ad eundem Bonifacium Papam, & in hac Romana synodo recitato, legitur: *Apostolicam sedem, id est, vestram beatitudinem, causas nostræ provincie & audire conuenit & finire.* Sed de potestate & auctoritate Summorum Pontificum in Ecclesiæ Illyricanas plura dicturi infra sumus in supplemento istius libri, cap. xix. & sequentibus.

### CAPUT XVIII.

#### Synopsis.

I. Responsalium usus in urbe regia desivit occasione heresis Monothelitarum.

II. Constantinus Pogonatus eorum usum refutare procuravit. Sed liberam legationem postulavit. Ejus petitioni se Leo II. accommodavit; non tamen concessa plena legationis auctoritate. Prudenter id factum, ne machinationibus Patriarcharum Constantinopolitanorum iretur obviatum.

III. Provisum id quidem sapienter fuerat, sed parum felici eventu. Quippe Legati apostolicae sedis in laqueos inciderunt in synodo Trullana; cuius canones repudiat Sergio Papa. Basilius Goryne Metropolitanus se illic inscripsit Legatum totius synodi Ecclesiæ Romane. Legatio ejus explicatur.

IV. Balsamo contendit eam synodus fuisse Occidentem, quod ei Legati sedis apostolicae interfuerint; quos recenset. Ejus imposta detegitur. Quid sit charta pura que in subscriptionibus Conciliorum relinquatur Episcopis absentibus. Anastasius Bibliothecarius illustratus.

V. Romani Pontifices prorsus abstinuerunt à mittendis Constantinopolim Apocrisiarios post seculum septimum. Imperio tandem ad Francos translato. Legatum magna fuit assiduitas & mora in eorum comitatu. Illo mittendarum legationum officio Romanam sedem absolvit Carolus Calvus.

I. R E S P O N S A L I U M usus in urbe regia desivit occasione heresis Monothelitarum: qua à Patriarchis Constantinopolitanis Sergio, Pyrrho, & Paulo publicata, & ab Heraclio Imperatore Ecclæsios sua promulgatione & à Constante Typi editione fota, Severinum, Ioannem quartum, Theoderum, & Martinum Pontifices ad damnandam impietatem illam provocavit. Gravissimo itaque in Romanam Ecclesiam odio perciti Constans & Paulus, Apocrisiarios apostolicæ sedis à Theodoro missos Constantinopolim ad insinuandam Typi & nova hæcreos damnationem, & revocan-

#### A D D I T I O

#### STEPHANI BALUZII.

IDEO Gregorius causas provincie Thessalicae ad se traxit, quod Illyricum, in quo sita erat hac provincia, apostolice sedis auctoritati patriarchica subiectum esset; ut probatum est in cap. v. §. 111. libri primi. Sed nuper in lucem emilla est ab Holstenio synodus Romana post consulatum Lampadij & Oretis habita à Bonifacio II. Papa, in qua Theodosius Echinensis civitatis Episcopus Thessalicae provincie dixit: *Nam constat venerandos sedis*